

Pwyllgor Deddfwriaeth Rhif 5  
Swyddfa Deddfwriaeth  
Cynulliad Cenedlaethol Cymru  
Bae Caerdydd CF99 1NA

2 Mawrth 2009

Annwyl Syr / Madam

**Gorchymyn Cynulliad Cenedlaethol Cymru (Cymhwysedd Deddfwriaethol)  
(Yr Iaith Gymraeg) 2009**

Fel tystiolaeth i'ch pwyllgor ynglyn â'r diffyg effeithiolrwydd o'r Ddeddf Iaith bresennol, hoffwn gyflwyno'r lluniau yma, tynnwyd yn ddiweddar yn Swyddfa'r Post, Llangefni sef un o drefi Cymreigiaf Gymru. Fel y gwelwch nid oes fawr o ddefnydd o'r Gymraeg er bod Cynllun Iaith Swyddfa'r Post (paratowyd dan Ddeddf yr Iaith Gymraeg 1993) yn datgan yn eglur:

*"Rydym yn arddangos arwyddion gwybodaeth gyhoeddus dwyieithog ac arwyddion hunaniaeth dwyieithog ar du allan ein hadeiladau yng Nghymru ac yn y manau mewnol hynny y derbynir y cyhoedd iddynt fel arfer."*

Pan ysgrifennais at Swyddfa'r Post Llangefni i bwyntio allan eu bod yn torri'r Deddf uchod gefais ateb uniaith Saesneg yn ôl yn dweud *"unfortunately you have not provided an English version"* (gweler yr amgaeedig) er bod y polisi uchod hefyd yn mynd ymlaen i addo:

*"Byddwn yn defnyddio'r Gymraeg mewn unrhyw ohebiaeth sy'n deillio o lythyr, cyfarfod neu sgwrs ar y ffôn â chwsmwr sy'n defnyddio'r Gymraeg neu os yw'r chwsmwr wedi nodi eisoes ei fod neu ei bod yn dymuno gohebu yn y Gymraeg."*

Os mae corff cyhoeddus yn gallu anwybyddu'r deddfwriaeth presennol nid oes fawr o syndod bod archfarchnadoedd fel Iceland yn gallu agor siopau mewn ardaloedd Cymraeg heb yr un gair o Gymraeg ar arwyddion neu bod cwmnïau fel Vodafone ac Orange o hyd yn gwrthod ateb llythyron yn erfyn arnynt i gynnig rhywfaint o wasanaeth yn Gymraeg.

Mae'r ddeddf bresennol ond yn eiriau da ar bapur. Mae uwch-swyddogion cyrff cyhoeddus yn brolio am eu polisiâu iaith bondigrybwyll ond fel y weler o ffotos mae'n ddigon hawdd iddynt beidio ag ymdrechu i weithredu.

Rwyf yn gobeithio'n fawr byddwch yn llunio deddf iaith go-iawn sydd yn sicrhau bod cyrff yn cadw at eu polisiâu a bod siopau mawrion a chwmnïau telefonau symudol yn cydnabod yr hawl i ddefnyddio'r Gymraeg.

Yn gywir



Huw Jones



Copi

18 Church Street  
Llangeŷni  
LL77 7DY



Dear Sir,

Thank you for your letter.

Unfortunately you have not provided an English version.

I have forwarded your letter to the Post Office Customer Care in Barnsley.

Thank you







